

Канон покаянный ко Господу нашему Иисусу Христу

Молитвами святых отец наших, Господи Иисусе Христе Боже наш, помилуй нас. Аминь.

Трисвятое. Пресвятая Троице: Слава, и ныне: Отче наш: Господи, помилуй. (12 раз.) Слава, и ныне: Приидите, поклонимся (Трижды.)¹
Псалом 50.

КАНОН, глас 6-й

Песнь 1

Ирмос: Яко по сѹху пешешествовав Израиль, по бѣздне стопами, гонителя фараона видя потопляема, Богу побѣдную песнь поим, вопияше.

Припев: Помилуй мя, Боже, помилуй мя.

Ныне приступих аз грешный и обремененный к Тебѣ, Владыце и Богу моему; не смею же взирати на небо, токмо молюся, глаголя: даждь ми, Господи, ум, да плачуся дел моих горько.

Помилуй мя, Боже, помилуй мя.

О, горе мне грешному! Паче всех человек окаянен есмь, покаяния несть во мне; даждь ми, Господи, слезы, да плачуся дел моих горько.

Слава: Безумне, окаяне человеце, в лености время губиши; помысли житие твое, и обратиися ко Господу Богу, и плачися о делех твоих горько.

И ныне: Мати Божия Пречистая, возри на мя грешного, и от сѣти диаволи избави мя, и на путь покаяния настави мя, да плачуся дел моих горько.

Песнь 3

Ирмос: Несть свят, якоже Ты, Господи Боже мой, вознесый рог верных Твоих, Блаже, и утвердивый нас на камени исповедания Твоего.

Помилуй мя, Боже, помилуй мя.

Внегда поставлены будут престолы на Судищи Страшнем, тогда всех человек дела обличатся; горе тамо будет грешным, в муку отсылаемым; и то ведущи, душе моя, покайся от злых дел твоих.

Помилуй мя, Боже, помилуй мя.

Праведницы возрадуются, а грешнии восплачутся, тогда никтоже возможет помощи нам, но дела наша осудят нас, темже прежде

¹ Полный текст этих молитв см в разделе «Молитвы утренние»

конца покайся от злых дел твоих.

Слава: Увы мне великогрешному, иже дела и мыслями осквернився, ни капли слез имею от жестосердия; ныне возникни от земли, душе моя, и покайся от злых дел твоих.

И ныне: Се, взывает, Господи, Сын Твой, и поучает нас на доброе, аз же грешный добра всегда бегая; но Ты, Милостивая, помилуй мя, да покаюсь от злых моих дел.

Господи, помилуй. (Трижды.)

Седален, глас 6-й

Помышляю день страшный и плачуся деяний моих лукавых: како отвещаю Безсмертному Царю, или коим дерзновением воззрю на Судию, блудный аз? Благоутробный Отче, Сыне Единородный и Душе Святой, помилуй мя.

Слава, и ныне: *Богородичен:*

Связан многими ныне пленницами грехов и содержишь лютыми страстьми и бедами, к Тебе прибегаю, моему спасению, и вопию: помози ми, Дево, Мати Божия.

Песнь 4

Ирмос: Христос моя сила, Бог и Господь, честная Церковь боголепно поет, зываючи от смысла чиста, о Господе празднующи.

Помилуй мя, Боже, помилуй мя.

Широк путь zde и угонный сласти творити, но горько будет в последний день, егда душа от тела разлучатися будет: блюди ся от сих, человеце, Царствия ради Божия.

Помилуй мя, Боже, помилуй мя.

Почто убогаго обидиши, мзду наемнику удержиши, брата твоего не любиши, блуд и гордость гониши? Остави убо сия, душе моя, и покайся Царствия ради Божия.

Слава: О, безумный человеце, доколе углебаеши, яко пчела, собираючи богатство твое? Вскоре бо погибнет, яко прах и пепел: но более зыщи Царствия Божия.

И ныне: Господи Богородице, помилуй мя грешного, и в добродетели укрепи, и соблюди мя, да наглая смерть не похитит мя неготоваго, и доведи мя, Дево, Царствия Божия.

Песнь 5

Ирмос: Божиим светом Твоим, Блаже, утренюющих Ти души любовью озари, молюся, Тя ведети, Слове Божий, истиннаго Бога, от мрака греховнаго зывающа.

Помилуй мя, Боже, помилуй мя.

Вспомни, окаянный человеце, како лжам, клеветам, разбою, немощем, лютым зверем, грехов ради порабощен еси; душе моя грешная, того ли восхотела еси?

Помілуй мя, Бóже, помілуй мя.

Трепéщут ми ўди, всіми бо сотворіх винў: очіма взира́й, ушіма слы́шай, язы́ком злая́ глаго́лай, всего́ себе́ геене́ преда́й; ду́ше моя́ грéшная, сего́ ли восхотéла еси́?

Слава: Блудника́ и разбо́йника ка́ющася прия́л еси́, Спа́се, аз же е́дин лéностию грехо́вною отягчѣхся и злым деломъ поработѣхся, ду́ше моя́ грéшная, сего́ ли восхотéла еси́?

И ныне: Дѣвнѣя и скóрая помóщнице всемъ чело́векѣ, Мѣти Бóжия, помози́ мне недостóйному, ду́ше бо моя́ грéшная того́ восхотé.

Песнь 6

Ирмос: Житѣйское мóре, воздвизáемое зря напáстей бурею, к тѣхому пристáнищу Твоему́ притѣк, вопию́ Ти: возведи́ от тли живóт мой, Многómѣлостиве.

Помілуй мя, Бóже, помілуй мя.

Жити́е на землѣ блудно́ пожіхъ и ду́шу во тьму преда́х, ны́не ўбо молю́ Тя, Мѣлостивый Влады́ко: свободи́ мя от рабóты сеѣ́ вра́жия, и даждь ми рáзум творѣти во́лю Твою́.

Помілуй мя, Бóже, помілуй мя.

Кто творѣт тако́вая, ꙗ́коже аз? ꙗ́коже бо свини́я лежіт в калу́, та́ко и аз греху́ служу́. Но Ты, Гóсподи, истóргни мя от гнуса́ сего́ и даждь ми сѣрдце́ творѣти за́поведи Твоя́.

Слава: Воспрѣни́, ока́янный чело́вече, к Бóгу, воспомина́в своѣ согрешѣ́ния, припа́дая ко Творцу́, слезѣ́ и стѣнѣ; Той же, ꙗ́ко мѣлосѣрд, даст ти умъ знáти во́лю Свою́.

И ныне: Богорóдице Дѣво, от вѣдимаго и невѣдимаго зла сохрани́ мя, Пречѣ́стая, и приими́ моли́твы моя́, и донеси́ ѧ́ Сы́ну Твоему́, да даст ми умъ творѣти во́лю Его́.

Господи, помилуй. (*Трижды.*) Слава, и ныне:

Кондак

Ду́ше моя́, почтó грехáми богатѣеши, почтó во́лю дѣаво́лю творѣши, в чесóм надѣжду полага́еши? Престáни от сихъ и обрати́ся к Бóгу с пла́чем, зову́щи: мѣлосѣрде Гóсподи, помілуй мя грéшнаго.

Икос

Помы́сли, ду́ше моя́, горький часъ смѣрти и стра́шный судъ Творца́ твоего́ и Бóга: Ангели́ бо грóзнии по́ймут тя, ду́ше, и в вѣчный огнь введу́т: ўбо прѣжде смѣрти пока́йся, вопию́щи: Гóсподи, помілуй мя грéшнаго.

Песнь 7

Ирмос: Росодательну ўбо пещь содела Ангел преподобным отроком, халдеи же опаляющее веление Божие, мучителя увещая вопити: благословен еси, Боже отец наших.

Помилуй мя, Боже, помилуй мя.

Не надейся, душе моя, на тленное богатство и на неправедное собрание, вся бо сия не вси кому оставиши, но возопий: помилуй мя, Христе Боже, недостойнаго.

Помилуй мя, Боже, помилуй мя.

Не уповай, душе моя, на телесное здравие и на скоромимоходящую красоту, видиши бо, яко сильние и младии умирают; но возопий: помилуй мя, Христе Боже, недостойнаго.

Слава: Воспомяни, душе моя, вечное житие, Царство Небесное, уготованное святым, и тьму кромешную и гнев Божий злым, и возопий: помилуй мя, Христе Боже, недостойнаго.

И ныне: Припади, душе моя, к Божией Матери и помолися Той, есть бо скорая помощница кающимся, умолит Сына Христа Бога, и помилует мя недостойнаго.

Песнь 8

Ирмос: Из пламене преподобным росу источил еси и праведнаго жертву водою попалил еси: вся бо творяши, Христе, токмо еже хотети. Тя превозносим во вся веки.

Помилуй мя, Боже, помилуй мя.

Како не имам плакаться, егда помышляю смерть, видех бо во гробе лежаща брата моего, безславна и безобразна? Что ўбо чаю, и на что надеюсь? Токмо даждь ми, Господи, прежде конца покаяние. (Дважды)

Слава: Верую, яко приидеши судити живых и мертвых, и вси во своем чину станут, старии и младии, владыки и князи, девы и священницы; где обрящуся аз? Сего ради вопию: даждь ми, Господи, прежде конца покаяние.

И ныне: Пречистая Богородице, прими недостойную молитву мою и сохрани мя от наглыя смерти, и даруй ми прежде конца покаяние.

Песнь 9

Ирмос: Бога человеком невозможно видети, на Негоже не смеют чини Ангельстии взирати; Тобою же, Всечистая, явися человеком Слово Воплощенно, Егоже величающе, с небесными вои Тя ублажаем.

Помилуй мя, Боже, помилуй мя.

Ныне к вам прибегаю, Ангели, Архангели и вся небесныя силы, у Престола Божия стоящие, молитесь ко Творцу своему, да избавит душу мою от муки вечныя.

Помілуй мя, Бо́же, помілуй мя.

Ны́не пла́чуся к вам, святы́и патриарси, ца́рие и проро́цы, апо́столи и святі́телие и вси избра́ннии Христо́вы: помози́те ми на суде́, да спасе́т ду́шу мою́ от си́лы вра́жия.

Слава: Ны́не к вам воздежу́ ру́це, святы́и му́ченицы, пусты́нницы, де́вственницы, пра́ведницы и вси святы́и, моля́щиися ко Го́споду за весь мир, да помілуе́т мя в час сме́рти моея́.

И ны́не: Ма́ти Бо́жия, помози́ ми, на Тя си́льне наде́ющемуся, умоли́ Сы́на Своего́, да поста́вит мя недосто́йнаго одесну́ю Себе́, егда́ сяде́т судя́й живы́х и ме́ртвых. Ами́нь.

Молитва

Влады́ко Христе́ Бо́же, Иже страстьми́ Своими́ стра́сти моя́ исцели́вый и я́звами Свои́ми я́звы моя́ уврачева́вый, да́руй мне, мно́го Тебе́ прегреші́вшему, слезы́ умиле́ния; сраствори́ моему́ те́лу от обоня́ния Животворя́щего Те́ла Твоего́, и наслади́ ду́шу мою́ Твоею́ Честно́ю Кро́вию от го́рести, е́юже мя сопроти́вник напои́; возвы́си мой ум к Тебе́, до́лу поні́кший, и возведи́ от про́пасти поги́бели: я́ко не і́мам пока́яния, не і́мам умиле́ния, не і́мам слезы́ утешительны́я, возводя́щая ча́да ко своему́ насле́дию. Омрачи́хся умо́м в житейских страстех, не могу́ воззрети́ к Тебе́ в болезни, не могу́ согрети́ся слеза́ми, я́же к Тебе́ любве́. Но, Влады́ко Го́споди Иису́се Христе́, сокро́вище благі́х, да́руй мне пока́яние всеце́лое и се́рдце люботру́дное во взыска́ние Твое́, да́руй мне благода́ть Твою́ и обнови́ во мне зра́ки Твоего́ о́браза. Оста́вих Тя, не оста́ви мене́; изы́ди на взыска́ние мое́, возведи́ к па́жити Твое́й и сопричти́ мя овца́м избра́ннаго Твоего́ ста́да, воспита́й мя с ни́ми от зла́ка Боже́ственных Твои́х Та́инств, моли́твами Пречи́стыя Твоея́ Ма́тере и всех святы́х Твои́х. Ами́нь.

Досто́йно е́сть я́ко войсти́ну блажи́ти Тя Богоро́дицу, Присноблаже́нную и Пренепоро́чную и Ма́терь Бо́га на́шего. Честне́йшую Херуви́м и сла́внейшую без сравне́ния Серафи́м, без истле́ния Бо́га Сло́ва ро́ждшую, су́щую Богоро́дицу Тя велича́ем. *(Поклон)*

Сла́ва, и ны́не: Го́споди, помілуй. *(Трижды.)* Го́споди, благослови.

Го́споди, Иису́се Христе́, Сы́не Бо́жий, моли́твами Пречи́стыя Твоея́ Ма́тере, преподо́бных и богоносных оте́ц на́ших и всех святы́х помілуй и спаси́ нас, я́ко Благ и Человеколю́бец. Ами́нь.